

# mei staade Freid

i gfrei mi jeds Joahr um de Zeit  
es is fua mi a staade Freid  
und wenn draussn de Natua  
a andas is und kimmt zua Ruah  
wenn des Liacht dann im Advent  
via Wochan lang ganz leise brennt  
dann deng i zruck wos heia war  
wos is gwesn des ganze Joahr  
wos war schlecht und wos war guad  
wos hot mi kost vui Kraft und Muad  
und wann hob i mi narresch gfreid  
wenn i erlebt mit manche Leid  
so vui Stundn voll Harmonie  
doch meistns hauts einfach ned hi  
dann is a jeda Tog ein Kampf  
ganz ehrlich oftmois um an Krampf  
drumm is ganz guad wenn im Advent  
des Kerzal mia ins Herz nei brennt  
und mia a weng den Zweifl nimmt  
dass nächste Joahr ned schlimma kimmt.

L

